

## Fir'avn huzurida



15:00 / 26.12.2021 3933

Muso va Horun Fir'avn oldiga keldilar. Saroy a'yonlari davrasida turib, uni haqqa da'vat qildilar. Muso alayhissalomning bu jur'atini ko'rib Fir'avn g'oyat

darg'azab bo'ldi va oliy va kibr holida:

- Ey yigitcha! Sen kim bo'libsanki, mening majlisimda turib menga aql o'rgatasan?! Sen daryodan tutib olganimiz o'sha go'dak emasmisan?!

**U (Fir'avn): «Biz seni go'dakligingdan o'z ichimizda tarbiya qilmadikmi?! Umringning bir necha yilini bizning ichimizda o'tkazmadingmi?! Va nonko'rlardan bo'lib, qiladigan ishingni qilib qo'ymadingmi?!» dedi.**

Muso g'azablanmadi. Muso yolg'on gapirmadi. Muso tonmadi. Muso uzr-bahonalar keltirmadi. Muso qo'rqmasdan, yashirmasdan, viqorli turib dedi:

**U (Muso): «O'sha ishni qilgan bo'lsam, bilmasdan qilganman. Bas, sizlardan xavfsirab qochib ketdim. Keyin Alloh menga hikmat berdi va meni Payg'ambarlardan qildi. Muso alayhissalom so'zlarini davom ettirdilar:**

- Ey Fir'avn! Sen meni boqib olganingni minnat qilyapsan. Lekin, bir o'ylab ko'rgin; Men sening qo'lingga tarbiyalashing uchun qanday tushib qoldim?!

- Agar sen go'daklarni qatliom qilishga buyurmaganingda onam meni Nilga oqizmasdi va men sening qo'lingga tushmasdim.

- Sening shunchalik zulmlaring, zo'ravonliklaring oldida nahot mana shu kichkina marhamating eslashga arzisa?!

- Sen qavmimni eshak va hayvon qatorida ko'rding.

- Ularni itdek haydading, xorlading! Dahshatli azoblarga solding. Endi mana shu qavmdan bir bolani boqib olgan bo'lsang nima bo'пти?!

- Yana tag'in sen bu ishni o'zing bilmagan holda qilgansan.

**«O'sha menga qilayotgan minnating Bani Isroilni qul qilib olganingdandir», dedi».**

***Abul Hasan Ali Hasan an-Nadaviy***

***Tarjimon Anvar Ahmad***